



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

VIII. De reliquiis, vasis & libris sacris.

[urn:nbn:de:hbz:466:1-67899](#)

his peccatum; asyla omnia in Francia cum in caussis civilibus, tum in *criminalibus*, sublata sunt, simulatque *arrestum* decernitur^s. In Italia tamen & in Hispania etiamnum viget hæc immunitas *localis*: præter quam suppetit *realis* quoque & *personalis*, illa *bonorum*, hæc *personarum ecclesiasticarum*: de quibus part. I. dictum.

- 1) C.6. X. de immun. eccl. C.17. p.4. c.6.7.8. &c.
- 2) C.23. q.8. c.28. ex concil. Sardic. an.347.
- 3) L.3. C. Tb. de his qui ad eccl. config. tom.3.
Conc. p.1233. hist. eccl. l.25. n.32. l.29. n.26.
- 4) Exod. XXI. 14. §) Statut. 1539. art.166.

¶
C A P . V I I I .
DE RELIQUIIS, VASIS ET
LIBRIS SACRIS.

I.

RES in ædibus sacris asservatae vel ita com- Res sacrae
paratae sunt, ut a laicis tangi non pos-
sint, vel ad divinum cultum dumtaxat sint de-
stinatae.

II. QUAE a solis presbyteris tractari a solis
possunt, sunt *eucharistia*, & *sacrum oleum*; clericis
five id sit chrismatis, *sive infirmorum*, *sive* tractan-
catechumenorum. Quod oleum die viridium
inter sacrum ab Episcopo consecratur, & præ-
stituto die ac loco a pastoribus accipitur, qui
veteris reliquias luminaribus Ecclesiæ affun-
dunt, & recens vasis minimum stanneis asser-
vant¹. Huc quoque sanctorum pertinent
reliquiae; vasa sacra, ut *calices* & *scutella*, quæ

N §

debent esse argenteæ vel saltem stanneæ, sacro oleo ab Episcopo consecratæ: nec non linteæ altaris ab Episcopo vel mandatario presbytero benedicta ². Quæ cuncta non nisi clericis, minimum subdiaconis, quadam sacramentorum reverentia, tangenda sunt.

1) *c.4. D.95. c.1. X. de custod. eucb.*

2) *Pontif. Rom. pars. II.*

*cruces,
imagines
sancto-
rum.*

III. BENEDICUNTUR etiam *mappa* ac omne altaris instrumentum, amictus, humerale, cinctura, manipulus, stola, casula, tunica, vestis dalmatica; cruces quoque, & imagines beatæ virginis & sanctorum, quæ publicæ adorationi exponuntur. In quibus curandum Episcopo, ne quæ sint mutilæ, aut indecoræ, quæ scandalum dare possint; neve exponantur non approbatæ; proposita earum utilitate, quæ consistit in eo, ut vel *opus redēctionis* ob oculos, vel *sanctorum virtutes* ad imitandum nobis proponantur ¹. Benedicuntur & capsulæ reliquiarum, inter preces, quibus flagitatur, ut præsentibus reliquiis fideles sint a dæmonum insidiis, cunctisque tuti periculis cum spiritualibus, tum corporalibus.

1) *Concil. Trid. sess. 25. fin.*

reliquiæ,

IV. RELIQUIA E antiquæ *extra capsum* non sunt ostendendæ, nec recens inventæ venerandæ, nisi prius auctoritate Episcopi ejusque consilii fuerint approbatæ ¹. In omnibus videndum, ne quæstui habeantur, vel commissionibus, tripudiis & profanis latitiæ demonstrationibus dedecorentur ².

Sancti novi non absque auctoritate *Romanæ Ecclesie*, prævioque rigido testium & documentorum examine³, quod judicium *canonizatio* audit, colendi sunt.

- 1) *C. 2. X. de reliq.*
- 2) *Concil. Trid. sess. 25. C. 2. X. de reliq.*
- 3) *C. 52. X. de testib. C. 1. de reliq.*

V. OMNIVM autem rerum, quæ in *campanæ* Ecclesia sunt, nulla solemnius benedicitur, quam campanæ¹. Cantantur plures psalmi, quibus partim auxilium divinum imploratur, partim Deus celebratur. Episcopus vel presbyter eas aqua benedicta lavat, iterumque atque iterum oleo infirmorum & chrismati ungit, suffitque thure & myrrha. Precibus explicatur campanarum usus in excitanda fidelium devotione, in repellendis dæmonum insidiis, & in tempestatibus dissipandis.

- 1) *Pontif. Rom. de campan. benedic.*

VI. IN Ecclesiis porro sunt vestes sacerdotales, pluvialia, altarium tegumenta varii coloris pro diversitate ministrorum & altarium: item libri hymnorum, veluti psalteria, antiphonaria, gradualia, processionalia, lectionaria, seu breviaria, missalia, ritualia vel manualia. Libri veteris & novi Testamenti olim in sacristia ad usum missaticum asservabantur; sed hodie in habitationibus presbyterorum. Sunt autem libri isti, ex libris facti traditione Ecclesie catholicæ, sequentes: Et veteris Testimenti quidem Mosis Pentateuchus, scilicet Genesis, Exodus, Leviticus, Numeri, Deuteronomium; Josua; Judices;


Ruth; Quatuor libri regum; duo Paralipomenon; Esdras; Nehemias; Tobias; Judith; Esther; Job; Psalterium CL. hymnorū; Proverbia Salomonis; Ecclesiastes; Canticum; Sapientia, Ecclesiasticus; Quatuor prophetæ majores, nimirum Jesaias, Jeremias cum lamentationibus & Baruch, Ezechiel, & Daniel; Duodecim minores, videlicet, Hoseas, Joel, Amos, Abadias, Jonas, Michas, Nahum, Habbacuc, Zephania, Haggai, Zacharias, Malachias; Prior & posterior Maccabæorum. Novi Testamenti: quatuor Evangelia Matthæi, Marci, Lucæ, Joannis; Acta Apostolorum; Epistolæ Pauli XIV. una ad Romanos, duæ ad Corinthios, una ad Galatas, una ad Ephesios, una ad Philippenses, una ad Colossenses, duæ ad Thessalonicenses, duæ ad Timotheum, una ad Titum, una ad Philemonem, una ad Hebræos; Epistola Jacobi una; Petri duæ; Joannis tres; Judæ una; Apocalypsis.

eorum
versio la-
tina.

VII. Q U U M officium divinum *latina* lingua inter nos peragatur, præ ceteris electa fuit *versio*, quæ vocatur *vulgata*, inde a saeculo VII. fidelium manibus trita, & pro authentica declarata, h.e. ut ea inter sacra, orandum, prædicandum, disputandum, cunctosque actus publicos, adhibeatur, ita ut neminem eam, tamquam aliquid, quod fidei & moribus adversum continentem, rejicere possit. Nihilominus Ecclesia agnoscit veteris Testamenti versionem græcam, qua Ecclesiæ orientales utuntur; neque industriam eorum, qui textum originalem pro suo quisque modulo rimantur, condemnandam censet.

VIII. SED versiones in linguis vernaculis inde a saeculo XIII. suspectas habuit Ecclesia, eo quod Albigenses aliquique haeretici, spreta auctoritate Ecclesiae, divinos libros ad suos sensus detorquendos sibi sumserunt^{1.} Unde Episcopis mandatum, ne promiscuum talium versionum usum cunctis permittant, nisi qui a pastoribus idonei reputentur ad fructum ex eis percipiendum: nec ulla nova versio sine Episcopi auctoritate divulganda^{2.}

1) *Conc. Tolos.* 1229. c. 14. 2) *De libr. prohib. reg.* 4.



C A P . I X .

D E S E P U L T U R I S .

I.

CADAVERA fidelium, qui in communione in terra sancta deceperunt, quoad ejus fieri potest; in terra sancta in cemeteriis vel prope Ecclesiastis sepelienda sunt, ut eorum propinqui & alii fideles, quoties ad ea sacra loca veniunt, nec non sancti, qui in iis adorantur, pro eis domino preces fundant^{1.} Cemeterium propterea benedicendum hoc modo: Episcopus, postquam in eo quinque cruces solo defixit, ad potiorem in genua prouolutus, Litanias recitat, totum locum aqua benedicta adspergit, psalmis penitentialibus recitatis, & coram singulis crucibus preces effundit, quibus spes remissionis peccatorum & beatas resurrectionis ingeminatur.

1) *C. 13. q. 2. c. 17.*